

荔村草堂詩鈔

荔村草堂詩鈔卷第九

南海 譚宗浚 叔裕

看山集

起庚辰八月迄辛巳九月詩五十六首

重到杭州

秋來病骨怯闌珊又向西湖理釣竿  
薄暝天將殘暑退重來山當故人看  
尋碑鶴嶺支筇久品水龍泓試茗寒  
只有雙趺非昔健一回登頓一憑闌

靈隱寺曉起望西山寒霧遂行藥至小橋

積雲互峯腰萬樹出其背濛濛噓素霏  
已作玉霏碎疑有癡龍行蜿蜒攝空際  
坐窺樓陰移遠指塔尖墜初陽

歿木升脫壤亂無次薄暉微漏穿餘潤尙霑霽步行過  
小橋露滴已盈袂怯聆冷猿嘯且共野鷗憩頗聞山家  
饒茶筍富珍味一飽奚外求勞生竊滋愧

翠微亭

斜照逗疏木忽看亭影生路穿崖竇過人踏石棱行檻  
俯猿巢接階平虎迹輕宛然雲棧險應憶蜀中程

春淙亭

看泉宜雨餘綠淨貼如鏡輕陰寫澗松濃色聚溪荇急  
點墮復跳圓文散還整含風互鏘洋遠覺四山靜山泉  
本無心清濁詎殊性奈何品水徒高下別差等遂令衙

齋廚需此瀾湯茗致遠勞瓶甕汲深藉筒綆得無擾山  
靈神區變凡境安得天下泉無垢亦無境相期機事忘  
但汲漢陰井

韜光菴

奇峯高不極一綫裊蒼穹竹影欲爭地泉聲翻吼空神  
魚無故穴靈藥有新叢試作蘇門歎琅琅起晚風

青蓮洞

洞有周伯琦篆碑

仰窺石下垂仄步石橫拒平生恥折腰至此隨仰俯茲  
爲青蓮龕榛莽限深阻捫苔負壁行魂弱不敢語悄然  
風葉飛恐有山魃覩元人舊鑿碑洞狹不容武側身偶

蹲窺礪礪垂玉箸昔人絕技傳未冝草木伍好奇此雕  
鐫作計亦良苦久立畏森寒褰衣出苔戶攜將白石還  
好向僧廚煮

純陽洞

出山下坡陀怪石如壞屋巉巉舌腭反壓頸自相屬凝  
觀駭詭奇涉險姑試足鼓翼紅蝠飛垂涎翠蛟伏鏗然  
雪瀑鳴聲大如裂竹捫蘿未及窺衣袖已濡綠洄洄始  
滿坑殷殷便穿谷暗隨黑鷲噴清見金礫簇畏難儻懶  
尋未免負佳躅反憶昔年游歸騎苦怱促靈峯交臂過  
鈍根悔骨俗及茲愜清懷無勞結遐矚

觀管仲姬墨竹 在海潮寺

畫梅兼畫雪畫竹兼畫風是誰手運金剛杵乃使欹斜  
偃仰變態無一同吳興老詞伯妙繪開南宗繡閣得良  
偶唱和鳴雛雛鷗波亭下春雨濛翠袖倚徧琅玕叢冥  
心默揣得竹態頓使槎枒千畝蟠心胸拂拂十指下衙  
衙走羣龍騰雲掉戲忽成寸翠條小葉搖青蔥千年永  
鎮伽藍宮虹月夜吐光熊熊湖州雪鵠近咫尺與此妙  
繪宜追蹤忽思咸豐末淞水張羣凶此圖通靈變化將  
何從我云畫竹亦寓耳大千世界甯非空不如歸住篁  
田中有筍可煮枝可筇曲肱坐聽泉淙淙還君三尺好

東絹往看洗心亭外蕭颯千竿雄

時將遊雲棲故云

登海潮寺樓

一上高樓百尺遙置身真欲近層霄  
雨涼薄霧猶籠塔風急羣山欲避潮  
故址半經殘刼燬當時誰使毒氛驕  
懷才傷亂紛多感愁倚闌干望次寥

入雲棲寺

秋至百物肅方暄氣常淒況茲萬釘聳  
觚觚鸞尾齊穿雲入深陞拾級緣綠梯  
風搖有細籟露滴無乾泥尋幽本忘遠  
對此愁攀躋徘徊失日影豈果町畦迷  
招提據谷口俯瞰欄楯低萬枝若碧海  
淨點搖玻璃蓮師有遺

塔苔蘚昏舊蹊。恭聞住錫日。問法多闍黎。彼教實龍象。  
刮目懸金篋。宗風近凋喪。大道成蒿藜。祇餘寶偈在。珍  
重同尺珪。惟當藏閤檻。勿俾缸面攜。

循龍山行鉢水至六合塔

遊山如讀畫。百偽纔一真。舊時幽勝處。往往霾煙塵。我  
來龍山下。遠瞰桐江濤。童童乏寸土。日炙砂礫昏。巨石  
忽橫截。吸浪頭如黿。與夫賈餘勇。涉厲爭崩奔。失足卽  
厓下。疊浪涵淵淪。勝游特偶耳。尙與韞險鄰。矧伊名利  
域。傾軋甯敢親。言瞻六和塔。高聳千由旬。銅鈴替戾語。  
慰我輕苦辛。危途愧輕涉。草草慚勞人。



虎跑寺

夕陽下歸樵余亦息塵鞅  
暝疑羣岫陰路趁萬松上披  
叢得荒坳寺近覺泉響啞  
鐘纏砌藤廢礎墮巖橡縱橫  
古佛眠肩臂蘚苔長琳宮近  
葺修金碧半晃漭反愛荒  
穢墟低徊結遐想山僧如野  
鹿見人話疇曩恨不承平  
時結茅此游賞宋題多漫殘  
蘇井亦榛莽待攜氈蠟來  
重游更披訪

八月初一日同人招遊西湖歸途遇驟雨作歌

朝來喜聽乾鵲聲買棹急作  
西湖行湖中晃漾亦何有  
媚花弱柳搖新晴中流棹歌  
數聲發淨浪油油碧如潑

芙蓉十丈高於霞盡染湖光作紅雪三潭亭畔華筵開  
鷺鷥狎雜窺尊罍脫冠不禁林鳥訝散飯喜引游魚來  
須臾颯颯蘋風起斷續溼煙如釜底潏然霏白漫四山  
但有烏龍半空倚此時西峯日正晡塔影倒地金頂孤  
黑雲紅日互激射併作一氣昏模糊垂楊古柏高扶疏  
散落萬點驪龍珠割鮮行炙正快意安問衣襟零透無  
酒酣擊碎青珊瑚醉倒不用旁人扶嗟哉人生貴行樂  
莫向湖山負杯杓傳聞蘇州昨下令簫鼓畫船禁停泊  
往年天竺紛進香近者勝游亦零落太平潤色資游人  
忍使閭閻氣蕭索奉君銀鑿落飲我金叵羅紛紛哀樂

中年多六龍催人忽蹉跎有酒不飲奈老何但願時和  
歲稔烽火靜豈害錢塘湖畔日日酣高歌

食蟹

三年持節成都住茅店酒旗稀索句堆盤忽見內黃侯  
便擬鱸魚同下箸平生壯志殷屠鯨慚愧胸內無甲兵  
汝曹非族合葅醢免使海上紛橫行

題庾生詩卷

一春積雨未開晴枯坐寒窗百感生偶喜故人書乍至  
忽看新作眼猶明閒情豔體摩支曲感亂傷離偏側行  
一卷詩傳良快意勝如麟閣勒功名

三月初六日邀同陳蘭甫師暨孝直宗侃孝彬宗

恂孝堅宗穎三世兄劉星南昌齡梁庾生起兩

茂才陶春海福祥王峻之國瑞姚峻卿筠三孝

廉泛舟大灘尾看桃花作歌

入春甫半春已濃尋芳處處喧羣蜂大灘桃花聞絕盛  
渡江一棹浮烏篷沿隄遠眺忽驚訝靺鞨海映珊瑚宮  
炎官巍戟火傘立海女颯纚霞衣縫座中鶴髮鍾山翁  
笑談拂拂清而雄昔遊小港亦類此今已故迹埋蒿蓬  
粵人種花如作農香國隨地成花封園中租稅此生計  
亦有歲歉兼年豐邇來隄岸屢崩決蟻穴乍潰隨奔洪

儻令傾實滿筐篚絕勝蒔稻攜耕糴我思佳果出西城  
輾轉遠致來南中

國家威棱懔八表豈藉叩竹供遠戎似聞邊鄙欲搆釁  
近已奉約輸黃龍鐵勒名王業就款玉關埃吏宜銷烽  
幸生太平得游醺到手莫放金鐘空不然虵虎日格鬪  
豈免羽檄紛交訐歸途沿汧入溪港隔水遠聽闐黎鐘  
園丁致屬約再到共看朱實堆盤紅

讀白香山集

諷諫當年託樂章晚耽禪悅禮空王須知傲骨嶙峋甚  
從未低頭李贊皇

趙吳興繪東坡黃州小像摹本崔夔典編修

舜球

屬題

黃州逐客未賜環日日坐對臨皋山郭生潘子亦罕接  
但有黃犢隨往還蓬蒿數畝親鋤翦叱叱田閒已春晚  
新栽甘子已青黃臥聽禽言俱覲睨吁嗟朝右多黃龔  
徵符火急人更窮青苗手實法屢變願公勿羨多牛翁  
吳興王孫畫無敵能貌當年憂國色君不見崎嶇草棘  
田得耕猶勝畦東畦西鴉種麥

將游羅浮由海珠放船至增江口

崢嶸火雲高金氣伏不發西郭十萬家濛濛紫霧結我

時買扁舟旭日尙炎熱回風吹礮雲噴薄動溟渤幸辭  
揮扇勞且喜披襟豁天公詎吾私卽景暫怡悅本無內  
熱攬怨惱甯所屑恭聞羅浮君靈閣鎮南粵杖策欲往  
游瑤臺冀晞髮但求養天倪勿受水火奪谷神自導和  
安事尋丹訣

泊石灘

紛吾弭蘭楫及此已斜曛靈境尙遲觀首途良足欣萬  
鐙浮水活雙舫度橋分料得圍田熟村春處處聞

雲母峯下有道姑田是何仙遺迹

胡麻解服果昇天跨鶴應同謝自然却笑神仙營產富

路傍多是道姑田

長沙陁

亂山如崇墉又若百丈井深窅時有坳窪劣欲無徑仄  
行入囊中氣懾戒窺騁不知仙人居何反設機穽豈知  
靈秀區先在隔凡境昔聞登天台莓苔踐幽陁又聞攀  
華巔拾級需鐵綆好奇幽趣增厯險妄緣屏儻令路坦  
平轉恐俗塵競努力行莫遲倏忽已前嶺猛進如有志  
終當凌絕頂

藍溪洞

余本中隱士未改山澤儀登臨值嘉勝適翫良在茲層



厓蓄夏冷飛巖妨朝曦嵐昏碧苔厚石壓朱果垂復此  
菌壁下潺潺瀉漣漪勢同神漢注聲壯奔瀧奇耀雪有  
寒態卷雲無定姿是非旣雙遣取足情自怡似聞野叟  
說此客何太癡高堂足庇暑觸熱甯所宜長笑謝野叟  
世味君未知卜鄰儻見許願與沮溺期

從分水坳至酥醪洞

我攜綠玉杖遠作逍遙遊日月夾丹竈雲霞生石樓  
姑笑相問一別今幾秋山裏松醪熟還期十日畱

酥醪洞

何人闢榛莽結宇依空林礪草饒仙氣山禽學道音似

聞飛寶蓋時復駐瑤岑

觀落成日有五色雲見

感蹟多靈異應懷

嘉遜心

### 暮登斗臺

一峯長銳頭萬綠裹峯外近接了罕奇遙觀若垂旒林  
喧聲懽悽石溼氣靈霽日光來不知飛鳥去猶礙道人  
習靜餘置奕巧相對孰云機事忘一著爭進退隋唐悲  
龍吞楚漢感騅逝輸贏僅須臾視此亦同例山鐘俄晝  
鳴歸路指迢遞回頭看舊峯突兀已雲際

### 登浮山第一樓望上界三峯雲氣

浮山浮海至尙有海中雲一白連諸嶂洪濛似未分迴

風吹玉女萬點散氤氲極目東溟外懸知漸瀝聞

### 茶山觀瀑

眾水匯一泉眾泉匯一壑泉多勢轉分競上不肯落巨  
石攖其鋒急起怒相搏鐵牢一徑趨玉壘兩厓削洄洄  
青聚潭淅淅白飛雹叫呼草木愁推排澗谿弱宛如三  
峽瀧遠望已驚愕趣幽疑昔遺意愜詫今獲茶山泉不見於舊志  
翻疑境太奇古先本未鑿靈蹟幸偶逢奇姿近方覺出  
山如有期終能致霖澤

### 艮泉

山泉鳴不停厥象殊艮止胡爲以艮名取類或有以冥

心坐石閒默想天地始胚渾本未萌流峙定何理靜極  
爲動根陳邵有微旨而況混混源蓄久乃千里習坎貴  
漸盈奔流忌太駛淺湍淅淅鳴不如波瀾瀾泉今似有  
知作勢伏還起坐久天風吹鱗洋眙雙耳夜來清夢閒  
片念仍止水

小蓬萊峯下有瀑泉三疊旁列橫石可坐十人

是誰觴羣真澗底置瑤席窪尊久不存羅列賸奇石遙  
對清冷泉各各據高壁出竇紛窒通注谿錯迴直意同  
長風爭急起赴石隙羣山如踔跳聲過有餘力道人了  
不聞合掌對凝碧洩怒任叫囂守柔自沖默漸進豈不

佳胡爲苦相激感物遂寫懷浩歌日將夕

過胡蜨洞尋蜨繭不得土人云亂後樹木稀少蜨

亦罕見矣感賦一首

五色霞衣近見稀丹臺惟剩草離離只應苦避龍華劫  
不向人間借一枝

登飛雲頂放歌

我思馭氣憑尻輪下窺四極兼八垠山河日月任搏控  
被髮大野騎黃麟揭來曳杖朱明路絳闕琳宮不知處  
羣仙抗手芙蓉旌四百峯頭恰相遇高不必華嶽呼吸  
神座通險不必七曲竚窳稱烏櫟垓峯勺海忽全沒鳥

底只有青濛濛傳聞浮山特奇異原自蓬萊忽浮至鐵  
橋鎖住仍未牢草木飄飄欲騰墜嗚呼媯皇搏土成九  
州畫野不到天西頭任公一釣太多事六鼇驚慢隨波  
流弱水三千攔不得方丈瀛洲近咫尺螺舟如織紛往  
來碧海揚塵堪太息山兮蓋亦歸返東海邊壓住火艦  
兼風船巋然巨石作門戶驅遣不藉秦皇鞭此時蒼黎  
得蘇息此際支那成樂國羅施唐述鬼所庭任爾雲濤  
萬重隔嗟余懷抱空鬱奇排雲上訴天豈知屈平呵壁  
詎能問杞人竊憂徒爾爲不如歸臥南山陲蠟屐幾兩  
筇一枝蟲沙猿鶴任紛擾白雲可以長追隨道逢安期

笑相視塵世茫茫稀快意余亦當年挾策人拂衣今向  
雲中睡

明福洞訪鄺湛若讀書處

夫君讀書處遺迹在山椒  
葑草近堪拾靈旗安可招  
窺窗無木客負笠剩村搖  
忽聽溪松響如聞琴沈寥

沖虛觀

仙人不可求今見仙人宅  
靈宮委榛蕪丹井漱寒碧  
緬昔典午朝胡塵燭淵勒  
寒門多泥塗貴胄半牙戟  
夫子安期流覽輝振六翮  
挾策偶不諧鴻冥遂長適  
至人本遺形安有矜服食  
恢奇特寓言邈逸見深識  
微生少宦

情抗志慕泉石亦抱神州悲羶葷徧京國何時奮瑯戈  
擗喉殪長狄功罷期蚤還結茅看青壁

白鶴觀後至五龍潭

巨石黑如鑿入門慄橫拒旁趨得平畦樹古天亦古梢  
頭雲墜升葉罅山仰俯徑窮漸沮洳遠見小亭拄林端  
望縞痕厭浥若可撫據厓歎雨珠蟄洞伏雷杼意疑穿  
雲根迸透出水府怒掀羣奔濤深積未灑雨淒聲過長  
林草木色銷沮憶觀樵夫圖披覽已消暑及此瞻靈縱  
迴心皈紺宇冥冥隔煙蘿世網焉能取

從延祥寺上寶積寺望伏虎巖



清晨叩山扉。初日照晃濛。  
林深滅眾聞。葉墮偶一響。  
跼身畏攀援。勉踏榕根上。  
踐蘚忘礪深。披叢厭途枉。  
寺樓倚山腰。遠睇若孟仰。  
往年守吏臨。張鐙結新賞。  
飄輪忽驟移。繁盛異疇曩。  
荒蕪匪自今。牢落吾安放。  
終冀劫運回。禪風或重暢。  
君看澗底松。離離漸應長。

循合掌巖絕崖至雨花橋坐洗衲石

躋陟苦足胝。夷猶忽愁破。  
遙於交樹閒。遠指白虹墮。  
積陰二儀昏。酣戰萬靈挫。  
雨痕爭日高。風力展溼大。  
激流注古潭。氣猛勢反懦。  
淨窺游鯈噉。輕受衝葉過。  
激明無皺痕。倒見碧天臥。  
息喧漸心平。乍險憶魂簸。  
嗜奇惜蚤

歸欲起屢還坐出山無半程已恐俗塵浣

攀藤上石洞小憩

我行愈遠峯愈頑援藤附葛窮躋攀一千年天未闢展  
九萬仞石何孱顏潭光洵作雨前雨樹勢陰成山外山  
仙人洗衲去已杳爲問飛蓋何時還

黃龍洞觀瀑

朱明曙眞仙所都空山岑寂誰與娛戲施神力作狡獪  
要使壑谷酣笙竽天瓢萬仞如練鋪屈注欲向天南隅  
忽從山底倒歎出石腹滿貯春雲腴奔騰逼極始一泄  
快意傾瀉千驪珠黃龍洞口聞更殊洶涌不與羣峯俱

襍密葉大千屋葉底雙瀑交縈紆白龍下跡垂髯胡  
策策隱有雷鞭驅回風逆吹却倒上叩動萬竅爭號呼  
有時嶺斷瀑亦斷下注爲沼爲潭湖霆轟電掣忽歇住  
鬱起尙作盤渦粗泉凡幾疊見三疊凜凜已覺砭肌膚  
不知垂紳定幾丈想見撼頓南溟趨往時蜃精盜天樞  
欲向崖壑開樓櫺天華土木未畢役鼎龍忽墮堪長吁  
神仙世外亦悲憫忍使伋僚遭刳屠至今猿鶴有餘恥  
飛雨欲洗前朝污豈如黃佐葉春及開精廬唐巾襴帶  
羣喁于名山著述足千古儼與鹿洞同規模可知儒生  
有遺澤遠勝驕主徒毒痛邇來樸學成榛蕪虛僞日煽

吾道孤鷺湖義利竟誰辨江門習靜甯非迂蜩螗競喧  
鼃鼃聒誰紹正學開迷途茲山秀氣鍾扶輿茲泉灑灑  
長不枯卽泉喻學有深意百川至海仍歸墟自慚冠帶  
受塵縛鹿車蹇蹇誠癡愚嗟哉吾黨二三子盍亦築舍  
依靈區吁嗟乎盍亦築舍依靈區空山雲瀑無時無

### 蝦子潭

看山忌太平看水忌太險亭澹若可親適玩百不厭

庾生

茂才爲余言如此

茲泉千仞長屈注忽微斂風迎蒼沫繁日聚

紫漚閃噓苔滋濛濛穿竹透冉冉礪旁置石牀架鑿趁  
崖广隕花時溼衣茁筍或妨簞暢意體自輕息邪情庶

檢幸獲山水緣微生已多忝不見城市中紅塵日荏苒  
幾人得安閒躡屩度雲崦

羅浮雜詠

鐵橋

鐵橋本非橋巉巖青壁我乘筇與來若跨凌風翮他  
時芒屨痕儻誤仙人蹟

瑤石臺

斜照欲穿嶺萬松忽間之微風吹髮髯迸作金翠奇樵  
歌自娛耳何必驚人詩

劉仙壇

劉仙古臺在竹篆今罕聞比來元風寂祇教何紛紛得  
無神仙歎筆硯今當焚

卓錫泉

言尋卓錫泉皎若雪花淨持將比惠山甘冷定誰勝莫  
生計較心持偈坐清暝

石洞

逃利利猶爭逃名名故在安得化人居超然返真宰我  
羨逃菴逃徘徊發深慨

梅花村

梅村梅絕少但有荒苔綠處世忌太高塵寰安託足君

看庾嶺枝亦若牛山木

龍王坑瀑

豪傑伏巖藪可望恆難親  
咄哉龍坑瀑怪偉真絕倫  
織縫自何代有此垂天紳

賣酒田

神仙住市廛或亦營生計  
賣藥偶懸壺佯狂此游戲  
酒田爾誰耕應免金花稅

酥醪酒歌

余寓酥醪觀數日陳友珊明經

銘珪

飲余酒香

味特甘冽余謂酥醪本以酒得名非此酒不稱

此地也因詩以貽之

蓬萊水淺今幾年  
偃佺期羨皆雲煙  
人間何者是仙境  
但有華胥國裏全  
其天君不見洞賓醉  
君不見希夷眠  
飛昇何必求丹鉛  
林深壑美風日好  
一壺與我同周旋  
憶昔浮山來首叩  
朱明戶衣披鳳谷雲  
舄踏龍潭雨主人  
愛客陳尊罍缸面  
新醕如潑乳飛來  
雙蛺蝶栩栩依  
前楹涼風灑然被  
襟袖便欲跨爾歸  
瑤京少焉日落金  
盆傾長松自舞脩  
竹鳴空中彷彿雲  
亭亭坐我以珣琪  
琳玕之異石娛我  
以琴箏祝敵之泉  
聲倏忽騰身登紫  
府夢中似是瀛洲  
路玉兔長依桂樹  
眠青鸞慣傍琪花



住仙之人兮列如麻或駕虎馭驂鸞車爲言至樂在杯  
杓慎勿辛苦飡流霞貽我八解漿飲我三危液叮嚀求  
長生痛飲須莫惜其潤比金壺其甘同玉瀝其芳勝椒  
蘭其冽逾藥石軟飽三百杯冥冥任所適行之久勿渝  
可以鍊精魄下顧酒田路蕭颯梅花叢麻姑賣壚亦銷  
歇兩鬢憔悴如秋蓬吁嗟仙人不飲尙易老何況我曹  
忍使杯中空醒來缺月林閒起拍枕濤聲浮兩耳細思  
劉伶畢卓眞解人果與後天同不死伊余攫世網局促  
如轅駒辛勤搏一飽遑敢求歡娛卽如前年擁傳來成  
都雲安麴米聞絕殊郫筒花釀俱可沽勞勞冠蓋坐困

頓枯喉燥吻何曾濡乃知人生貴適意富貴豈及山澤  
癯吹玉蕭展瑶席萬籟沈沈起寒色拊節狂歌樂無極  
夜闌大叫呼酒星似傍南維光奕奕野人木客休相嗔  
我自沈冥託胸臆生不願獲東瀛瓜棗三萬秋但願飲  
西域蒲桃五千石

送人出洋

鑿空眞同博望奇行看列肆到波斯須知漢德憑柔遠  
終有呼韓質子時

東南鞮譯八方通斷臂應思制虜戎莫學陶朱惟致富  
會須十策建奇功

蘇軾詩集卷九  
七  
茫茫海外更神州快意臨風汗漫遊好續君家西使記  
胡桃細藥試旁搜

晤饒輔星茂才

軾奉贈

國家盛治推乾嘉嶺南樸學初萌芽梅州諸老特奇崛  
宋楊吳李皆名家邇來風雅何寥闊眼底饒侯獨英絕  
談經堅守鄭君箋注史欲翻顏監說越王臺畔天雨霜  
秋風灑灑吹衣裳相逢握手笑脫頰海鶴起舞鵝雞翔  
酒酣觸撥傷懷抱萬事如今半顛倒競尙侏僂厭郢歌  
爭收瓦礫遺周寶問天呵壁憑屈平重華已遠甯復鷹  
不如掘冢誅顧榮誰使傖楚參公卿世閒羣兒任刺促

胸次五岳殊崢嶸澆愁洗恨定何物正要醅酎飛千觥  
饒侯饒侯世稀伍未合蓬蒿守環堵感遇聊吟董相篇  
題名終上田郎柱近聞訪古豐鱣湖此邦富庶稱名區  
君家程山與接壤比閭風俗今何如往時區趙稱名儒  
庠序濟濟羅簪裾邇年好事能有無因君傳訊問消息  
寄我韓江雙鯉魚

八月十五日招同張瑞穀水部嘉澍李湘文農部

啟隆 俞秀珊孝廉守義劉星南昌齡李邵初肇

沈 陳孝彬宗恂孝堅宗穎諸茂才集山堂玩月

久客戀鄉土始知歡會難同茲明月好都愛故園看狹

坐移銀燭行廚促玉盤  
酒闌休興罷長嘯海天寬

### 龍頭詩

陳天如前輩

序球

治地西樵山之麓得一龍頭

頤頽並具堅硬如鐵  
陳蘭甫師古樵丈

璞

均有

詩僕亦繼作

姬公著爾雅不數神龍名  
清河所補述怪誕安足稱  
閭公繪職貢不寫神龍形  
僧繇所圖畫想像奚足矜  
乃知神物世稀覯只合山澤藏  
精靈陳侯置酒清秋夕示我  
龍頭色黝黑大如栲栳容  
卅升觀者滿堂咸動色其頤  
若箕喙迸竅釘環環其頽作  
犀伏豁露光而鬣其角雖

已折角抵似有紺黃紫綠紛爛斑其餘骨節半詭異大  
者乃類毗騫蠻或傳西樵昔濱海往往龍穴巢其間偶  
然遺甲亦時見未若玉甌隆額高屨顏君言得此纔經  
歲射策金門旋上第故知前定非偶然實比陶梭預徵  
瑞君今橐紫筆校籍遊西清或奏雕龍賦跋履趨承明  
或獻批龍疏直氣驚公卿不然擁旄建旆鎮南裔徑拔  
龍劍剗長鯨否則君家素住牂柯側萬戶鱗鱗桑葉碧  
往時河伯曾告凶沈玉舉焚仗神力亦如龍今作雨還  
太空業見閭閻徧霑渥況君鞠脰登高堂敖姚孫息歡  
未央八龍下食古有例儲精降祉斯其祥化鵲之函詎

足比蟠蛇之綬安可方願傳後嗣永寶藏勝佩沈義禹  
躋之符章但當肩滕緘鑰在閭檻勿使夜夜吐氣成光  
芒

游雙溪寺遇雨

登高看驟雨纔識化工奇飛電橫相射崩雲去不知樹  
都環塔湧城恐逐江移應有驚秋客新涼感鬢絲

荔村草堂詩鈔卷第十

南海 譚宗浚 叔裕

僦屋集

起壬午正月迄甲申十二月詩九十六首

偕天如前輩游極樂寺看海棠

出城迢遞見煙波步繞深叢且醉哦自是閒官容跌宕  
集中詩總看花多

尋芳憶到錦城偏眨眼飄輪總惘然我覺西川殊遜此  
故應還比放翁顛

苦熱

北方氣候年來異毒熱幾疑在故鄉永晝只宜棋局對



兼旬罷憶酒杯嘗披襟楚客稀  
毫興解水吳兒乏善方  
自愧無才能庇暘敢將炎赫怨驕陽

過天如前輩寓齋

愛此東齋勝枿欄五月涼能消  
常侍熱宛坐令公香一  
鳥下幽砌千蟬鳴夕陽何知塵  
土內咫尺有滄浪

小別時追憶相思屢步尋筵開  
芳草接屐過落花深忽  
念竹林侶今悲蒿里吟

謂冤士前輩

良時須自愛莫厭百壺

斟

徐鐵孫觀察丈

榮

詩縣令圖令孫石甫農部屬題

今之縣令古邑宰義在理物兼字  
毗當時課最定何狀

邑人筆聽之聲自從雅頌久衰歇讀書治律分逕庭

低頭欠伸倦案牘束帶嗔怒愁笞撈或疑吟詠廢公事

豈識樂理通人情徐侯觥觥起南裔早歲詩名滿天地

射策初辭燕市門栽花便作滄洲吏天台山下雲霞鮮

湧金湖畔春光妍偶然灑翰作狡獪風流輝映三千年

雷塘弟子幾百輩似此雅令真神仙後來棨戟應方面

兩浙東西輿頌徧善政張堪早播傳死綏溫序旋酣戰

胡爲尙憶縣令名儻亦桐鄉時繫戀公之詩孫吾故人

燕臺相遇杯酒親披圖示我快先覩通眉秀骨饒丰神

我思嶺南固詩國嘉道之際尤莘莘熊

笛江徐夢陳莘  
秋村鄧

蓮心並豪俊敦槃酬唱交扶輪是時先子才軼羣角逐共  
奮蒼頭軍嗟哉聚散旋若雲朱絃清絕音沈淪紅棉寺  
圯越井涸兵後往往生秋燐還君此圖三歎息耆舊風  
流安可得撫時憶古心茫茫扣缺唾壺淚橫臆君不見  
近年長吏冠若箕半似光顏字粗識

天如前輩有卜築西樵之約詩以要之

聞君屢話泉山勝使我疏狂興不勝昨夜雨涼簫簟冷  
夢魂應到四花亭

偕諸公出城飯天甯寺

城中望西山隱映偶一見未如坐禪房秀色擁蔥蒨羣

峯本自奇晴雨況千變以我孤賞激看彼萬形炫招提  
矧修潔草具伊蒲薦雜樹圍若牆山花密成霰倦隨畦  
鹿行靜聽壑蟬嘑孰云心坐忘卽境輒畱戀始知山水  
情繫愛正難遣差勝乘雞栖勞勞逐軒冕

長歌送葉蘭臺前輩

衍蘭歸里

利風撼撼吹庭梧前鵠後鶴相叫呼聞君鼓棹將南徂  
使我搔首心煩紆君才卓犖淵雲徒三十四中府趨  
瀑直久厭承明廬一麾合佩銅虎符君言休矣吾自娛  
平生傲視干木徐槐柳參列焉能拘世閒榮利如腐糲  
安用蹇蹇馳鹿車羸膝縛屨辭上都便擬歸釣珠江鱸

君家家具兼輜無但有錦贖千廚書蟾背之鏡雷紋觚  
乙漿癸鼎苔翠濡貨刀泉幣斤兩銖承華玉印肪截如  
離離宋錦文鴛襦惠山茶銚兼竹鑪漢碑千本蟬翼摹  
下暨閣帖潭絳俱鸞昌花鳥色敷腴雪林小景癡與迂  
戴牛韓馬包於菟惠崇蘆雁尤絕殊此皆珍異行篋儲  
寶弄奚啻珣珎玕似聞破浪乘魯桴順道要訪西子湖  
斷橋已斷孤山孤待君秀句吟菰蒲更期歸里闢榛塗  
雲淙故墅聞可租種荔十畝桑百株溪水瀲灩宜漉漁  
他時賤子還里閭執弭或許相馳驅君如六一居潁滁  
我願陪侍如晁蘇南山可爛海可枯息壤證此當勿渝

行哉征旆休踟躇盍按圖畫營山居

君嘗得吳荷屋中丞摹仇遠山居圖

徧徵同鄉題詩

題畫蘭三體詩

一片奇礪石盤根盡倒生風標誰得似嫵媚魏元成

風前綠葉初折烟際柔莖欲抽合受東皇雨露不同楚澤牢愁

蟠胸芒角鬱離奇寫出幽芬一兩枝問汝何師師造化茜紗窗靜月明時

中年

中年雖未老世味飽經過漸厭繁華俗長愁記憶訛盤

飡留客減篇什輓人多差幸晨梳後吟邊鬢未蟠

喜同鄉諸子來京卽留小酌

燕臺久住思茫茫客裏相逢且盡觴  
懵懂豈知來日事飛騰仍似少年場  
纖纖素月鉤簾近冉冉繁花送酒香  
絕憶南中耆舊盡低頭吟望轉淒涼

夏日黎璧侯

榮翰

崔夔典

舜球

兩編修邀同人集

南河泡觀荷

東華十丈車塵紅銀珂寶鉸驕春風中有南溟釣鼇客  
獨爲看花出城陌城東坡隴低復昂蘆葉尙短芹芽長  
平生夢憶珠湄水暫見煙波亦心喜紅裳翠蓋紛交加

十里蒸作天台霞花氣濛濛吹不散似有微綃冒天半  
恨無調冰雪藕之嬋娟又無吳越金髹船不然櫂歌入  
花去踏波宛在驪龍淵撫節高吟聲未已酒興欲闌酒  
悲起君不見尙書文藻何繽紛逸事遠繼廉野雲舊時  
開筵雜鷗鷺今日高塚埋麒麟

地爲武陟毛文達公項城袁文誠公所關時文

達公新歿

人生快意須行樂莫待原頭一邱貉晚來城上烏

尾訛聯翩歸騎頻奔波對花徘徊惜難別只恐再來花  
盡折嗟哉我曹厯碌人事牽豈若花農日醉羣花前半  
塘村蘭湖里吾鄉勝游豈乏此鼎鼎百年如激矢仕無  
中人可歸矣萬釘圍腰詎堪喜要當彈劾還耕桑便學



浮豕計倪子

蒙

恩典試江南七月初二日出都口述

菲材慙再策星輶  
瀕洞連朝驟雨飄  
風定驚禽遲出樹  
水喧疲馬怯過橋  
似聞近地隄圍決  
側望豐年稔沴消  
滿目蒼黎吾輩責  
竟思何術翊

神堯

過峒崕鎮

宿雨連絲解放晴  
坡陀行盡馬蹏輕  
滿畦黃綠瓢兒菜  
認取江南第一程

泊瓜洲口

向張遺壘在曾此駐雄軍今日中流渡  
惟看夕照曛濤聲喧似雨山態嬾於雲  
美酒聞堪貰銜杯已薄醺

抵金陵寓妙相菴凡五日

襆被蕭然住寺樓雲山奇勝座中收  
幸無殘客來廳事便抵平原十日游

小池曲曲作弓形時綴泥痕九子青  
絕似荷衣趨塾日

夕陽高柳半帆亭

余十五歲隨先教授公讀書長壽寺半帆亭寺於去年被燬

槩几明窗品芥茶閉門風味似山家  
蒲團兀坐心閑甚多事羣蜂又報衙

鎮日炎官火繖驕  
苧衫餘汗暈紅潮  
昨宵喜得新涼到  
麗殿微聞扇子蕉

元戎碑版重璠璣  
鐵畫銀鉤果不如  
可惜倚闌籌筆暇

不傳一紙嚇蠻書

壁間多耆相國書  
皆駐兵時所刻也

佛門戒律幾衰興  
妙諦誰參最上乘  
欲問楞伽僧不識  
可應憨性似南能

兼旬跣跋厭黃埃  
快睹生機滿目來  
自愛繞廊閒步履  
不教容易損蒼苔

九月十八日左湘陰師相

宗棠

希贊臣將軍

元暨

諸寮屬招飲莫愁湖賦呈五古

高亭面大湖暑月亦蕭瑟中山遺像存名與孤樓兀坡  
陀風濤含參錯楯欄出我來秋雨餘泥潦沒雙膝入座  
懔雪飛褰帷愁波溢屏風不障寒淒烈遂至骨庭前雨  
柳梢髮髯萬絲密迎風紛裊摩有若翠蛟屈主人皆豪  
賢談論攄理窟左公名世才調鼎重密勿希侯亦偉人  
胄望數榮畢羣公盛踰濟娛宴乘暇日遠識參裨謀朗  
吟勝裴筆此邦財賦區公私夙充實竹漆千戶侯笙竽  
萬家室自從狡寇憑元氣遂遭扣今年況潦澤河伯勢  
飄忽灌海氣喧亟憑山聲肆吼湖闢幸未開張洎賴安  
吉撫卹宜有經願聞理人術翻匙滑碧尊飮座壓朱橘

臨觴敢盡懽繫念閭閻疾復聞秋禾登田野收粟枉感  
此三歎殷懷哉百憂失歸途蹢躅行驟雨猶澍汨迴首  
叫蒼穹漏天幾時訖

由燕子磯放船至鎮江

壯游安用馬當風挂席高吟意態雄坐覺繁聲喧枕畔  
全收霸氣入詩中淩波喜見新排隊互市愁難遽徙戎  
獨倚危檣憑望久豈徒懷古鬱深衷

對月

王程迫行邁榜鼓發中流忽見隔江月蕭蕭天地秋遠  
峯寒自溼密樹暝如愁欲解塵纓澣翻慚問白鷗

大風游焦山得詩五首

弱齡慕幽栖佳境屢延佇每逢躡屩游輒被霖潦阻去  
年登羅浮急雨注如弩昨爲焦山行風勢猛狂虎運窮  
吾自安敢怨封姨侮賈勇誓直前山靈儻相許繫纜及  
蒼厓支筇厯堂廡勝游雖未窮快意戒多取默想廿年  
來命途實乖午歡娛縱有時強半出艱苦始知山水緣  
造物匪輕予儻容住雲松吾亦謝簪組

我心本至靜而好羣動鳴聽松住華首聽瀑來珠阮況  
茲大江水輸瀉連八紘自從媧鍊後激薄無停聲凭窗  
跂脚坐境泰心亦平忽思別京國歲月殊崢嶸排騶盛

蘇軾詩集卷一  
引導列鼎羅葷腥勞勞逐車蓋片晷何曾停對茲欲顏  
汗擬濯滄浪纓

看山如品詩各自呈面目秀雄苦難兼得一已殊足茲  
山互中流勢作怒猊伏巍峯疑插根巨浪任穿腹及循  
岡麓行蘿薜紛引屬縱云登頓勞勝處乃紆曲竹影混  
一青松風搖萬綠位置各有宜雖多未嫌複道人寂閉  
門吸嚙盡冰玉靈禽爾何知亦解慕高躅翛然戀舊巢  
不向雲中逐

匡山以匡名焦山以焦字想當營築初本是不毛地三  
尺瓜牛廬蓬蒿翦荒穢邇來海禁開貨舶此鱗萃而況

夷艦多凌波動成隊腥羶染神州海水并遭沸靈魂儻  
有知料亦冥鴻避我生後千年曠逸慕高致覽輝翔太  
空欲隱將焉寄

周鼎製古樸歆雲吐奇光戔戔瘞鶴銘深刻鐫兩廊椒  
山有遺墨觸手梅檀香唐碑及宋碣鉅製紛琳琅往年  
劫火煽幸未隨滄桑山僧頗夸詡謂仗神力強我作平  
等看聚散焉足傷泗鼎匪淪陷定入宣和藏石經未遭  
燬祇足充巾箱銀錠購畢相玉枕鐫平章儻令至今在  
糊棄拋帷囊物罕乃逾貴潛輝久愈彰搏沙詎足憾且  
復參空王



揚州

迴風獵獵動悲笳一片平蕪夕照斜舊日綠楊無恙否  
徘徊我欲問栖鴉

梅花嶺拜史閣部墓

牛角河山勢已窮揮戈仍冀日能中紛紜貝錦嗟朝局  
擾攘蟲沙歎鬼雄死有異詞同許遠褒從易代似韓通  
卽今祠樹猶霜縞不共繁葩鬪豔紅

過露筋祠

靈祠何肅肅璫羽儼音容湖水澹相照野棠開不濃停  
舡行客拜薦俎榜人供欲訪南宮碣模糊但蘚封

哭蔡侶房農部

宗瀛

三首

親朋多健在何意哭君先  
好直多違俗長愁易損年  
茂陵無舊稿樗里有新阡  
不待黃墟過追思已黯然

科第尋常事如君掇獨難  
微官羈向朗蹇運惜方干  
美玉終埋璞青鸞屢鍛翰  
泉臺回憶否真悔誤儒冠

前歲申江別題襟慰宿悲  
豈知重見日直待九京期  
寄藥可曾到吟牋休更披  
幽冥吾敢負當勒色絲詞

抵淮安府

昔年曾此駐征輪重認鴻泥  
一問津岸柳十圍應識我  
沙鷗數點似迎人依然冷  
況攜書劒默愧微才負鼎茵

每見來船頻問訊可應移徙是流民

過清江浦見營垓整肅云皆前漕師黎簡堂前輩

培敬

舊規也憶己卯歲晤前輩於雲陽舟次辱

託下交聞於前月溘逝感念存歿情見乎詞

妙略英名擅八區偶然履屐亦紆謨平場草偃春盤馬  
短堞花垂晝射烏葛相威靈終古在嚴公器宇近時無  
眼前便是西州路欲叫巫陽淚已枯

途中寄庾生茂才八首時余有所感故拉雜無次  
并乞庾生勿以示人

亭亭凌霜柯鬱鬱反風草託生雖不同含靈共蒼昊各

抱歲寒姿凜烈誓相保別君近一年神往輒傾倒時復  
夢還鄉題襟豁懷抱嗟彼薄俗媮橫流日浩浩縞紵滿  
寰區豈如舊交好但恐相見時我衰君亦老衰老復何  
辭榮名企堪寶

君才百倍我奚啻亮與丕奈何屢下第塌翼垂暍池我  
雖忝奉使江海持旌麾令長競迎送王侯相攀隨亦祇  
丐餘潤計較爭刀錐奉壽羨主父懸金希呂韋窮達各  
殊致等爲形役悲託身寄宙合通介將奚宜豈如灌園  
叟泯泯曾不知

君性近通倪而我顓且拘旁觀竊睨視涇渭疑各殊豈

知膠漆契有似叩駟虛惜哉蓬梗斷各在天一隅君才  
當日益閑戶多居諸古人富著述大半憂患餘我才當  
日減珥筆腰銀魚鑒裁愧明鏡致飾徒虛車願言諍我  
失兼代砭頑愚冀聞任棠教勿致嵇康書

仕宦八九年畝收無半斛惟有百城書滿牀更連屋亦  
或朋好貽琳琅勝金玉昔時一卷艱今日百編足所愧  
作勞薪低頭未能讀正如藜莧腸寸嚮望充腹及乎列  
鼎烹反擬棄梁肉期君京洛游讎校共秉燭異時目錄  
成儼勝西齋軸

讀書貴通儒豈在護桑梓先民有遺型仰止宜濟美與

君同里閭蒼頭互奮起鑽仰承宗風飲源當念始勝朝  
數邱黃博洽首屈指理學傳湛陳詩才擅孫李

國朝限偏隅實學稍衰靡遂使吳越兒莠邪輒輕比自  
從喪亂來彼學亦中圯孰是妮古徒寥寥蓋堪紀我當  
盛敦槃君當振鞭弭旗鼓驅中原庶刷腐儒恥

人生無百齡動作千古想根柢苟未深此事恐難仗我  
昔垂髫時高談視霸王科名輕摘髭經濟擬反掌侵尋  
幾廿年辛苦隨世網幸畱舌齒存已非舊精爽昨見故  
鄉人銜杯話疇曩親朋日以凋童稚日以長欲辭先輩  
名恐復難久讓自問竟何成回思應泚頰始知古大儒

福分過卿相不爾迫營生烏能脫塵鞅

少小僻吟詠有若寒號蟲才多苦爲患格製愁未工近  
歲頗悟入曠然欣發蒙閱歷貴心得抒寫由臆胸流連  
光景語習見羞雷同亦防近沈僊率淺如郊仝浮華汰  
務盡難復膚革充以茲兩惶惑成見終未融誦君昔年  
作鏘朗鏗天風頗疑鸞鳳嘯妙響非凡庸冀傳第一義  
庶步南華宗

久宦誠思歸曰歸正非易仰給親鄰多愁飢童僕瘁況  
復讒口警含沙遞遭忌昨歲返嶺南實懷栖隱計去住  
兩蹉跎出山負高志念子規我言至今藏篋笥藥石苦

未從赧顏實滋愧稍幸游藍溪卜耕得佳地踐約誠復  
難放懷姑自慰擬營西枝鄰白首不相棄吾慕龐德公  
逍遙自忘世

聞河決桃園一帶感賦

已經寒露節秋汎轉潺湲驚浪逾三峽愁魂泣萬村災  
黎成雁鷺比屋舞蛟鼉少府聞先給恭承

聖主恩

出海非難事胡爲又改流禦衝無漢策梗患切堯憂民  
困近頻覩天災宜少休或當循故道碣石址今畱

時利  
津牡

礪齧淤塞黃河溢流  
從海豐等縣出海



贈馬通伯明經

其祖

卽送其歸桐城

鄙生住京國寒暑今數周出門無所適懶謁公與侯比  
鄰得馬生當代韓李儔銳志眄三古放懷登九州有時  
或匿穎不露戈與矛潛鋒突肆出武庫森長修我慚見  
大敵百對無一酬自當走棄甲遑敢爭挾輶君生皖南  
郡樸學多俊流方劉始闢墾姚管嗣鋤耰數公並才彥  
制作鏗鐘球微嫌經術淺世詎方未休君又精考據讀  
書窮汗牛牙牙釋蒼詁落落探璣鉤義理及校訂兩家  
庶通郵今年應秋試挾策隨咿嚶嘈嘈羣樞畔見此驂  
與驪謂宜驥沛艾一顧空羣騶何哉又遭擯神駿嗟暗

投朔風吹大漠禿樹鳴颼颼仰屋噪飛雀窺淵潛凍蚪  
叩門忽告別驪駒逝不畱首途始西郭燕臺委梧楸霸  
圖誠已陋好士今誰求津門古碣石殷賑百貨稠睥睨  
輔海若飛騰催夷艘忽思讀書法如泛滄溟流古人所  
歷境僅限坤維陬韓蘇抵海裔栩栩誇壯遊邇來泰西  
巧趼踵窮十洲蓊蓊發木樹隱隱層城樓鯨女紉瑟坐  
海童偏髻謳厥蟹大盈仞有龜連六眸瓊異雜忻愕詠  
奇窮嘲啁其西通羅馬其南控閩浮其北乃冰海嵬峩  
瓊瑤邱荒哉六合外近接如吭喉迴觀濱海地渺小眞  
浮漚吾人習墳索與此誠相伴昔賢大川涉今代窮島

揆或聲音訓詁或金石校讎或劇服賈類或挾顏裴幽  
貴能通其指小大隨所投譬彼楫桅具始稱千斛舟挂  
帆及滬浦虜帳羶葷愁市兒逐海臭壯士懷杞憂何時  
舞干化側佇前箸籌大江壯天塹南北斯鴻溝美酒貫  
京口清歌聞石頭皓月大如盞爛爛輝不收倒從貝闕  
底懸此光明毬卸裝及閭里野老相綢繆入門洗韉襪  
上堂奉髓脩時詢米貴賤繫念關田疇丈夫四海志慘  
戚誠所羞尋常涉厯地一一皆遠猷愧余竊薄祿肉食  
疏國謀別袂悵旋舉離樽嗟暫篤後會定何日茫茫更  
葛裘簡繒幸頻寄疑義同咨諏華年各努力式好期無

尤

送姚馨圃前輩

協贊

之官鞏秦階道

中興神武重籌邊  
隴銷鋒近十年  
職貢重輸沙苑馬  
耕屯議引芍陂田  
喜聞銜

詔雙旌  
泣想見循聲五袴傳  
千載裴岑碑宛在  
待公還  
勒紀功篇

題倪雲劬大令

鴻

湖樓閒話圖

水色山光淨似苔  
蒲團趺坐八窗開  
尋常登眺堪歔歔  
況是紅羊劫後來

論交方外得牙期  
捉鼻微吟月上時  
得似昔年禪社否

六舟金石覺阿詩

展卷蒼涼百感俱  
看花曾記駐籃輿  
俗塵應被香山笑  
未肯句畱爲此湖

題鄧子俊農部

平壽詩卷

美人倚瓊樹天際奏琅璈  
古調世爭妒孤音何太高  
談兵燕將錄憂國楚臣騷  
讀罷一長嘯松風翻怒濤

對月有懷子俊蕪湖

今夜東軒月清光獨憶君  
挂帆姑熟雨躡屐敬亭雲  
應有陽春曲蕭寥不可聞  
承明慙竊祿未解薦雄文

九日登陶然亭送客

秋色落高城城頭送客行徘徊嫌短景笑語亦離聲性  
懶宜耽隱才疏畏近名邕南戎幕建取次莫論兵

移寓槐市斜街得詩六首

宣南坊畔好移家路轉坡陀曲曲斜見說淀園車馬盛

路人悲想憶乾嘉

聞道光以前上下斜街多貴人第宅以其便於入直淀園也近半傾圮矣

雨後停驂趁晚涼西山遙峙鬱蒼蒼對門喜近詩人屋

芍藥階除薜荔牆

對門全浙會館卽竹垞先生舊寓

槐陰深護讀書廳如霧如煙綠滿櫺長日掩關無一事

研朱應校度人經

余所居爲王小山侍郎發桂宅或云卽汪雲壑舊居也庭前古槐數株皆

百餘年物

隨分琴書占小齋

竹垞句

兼旬剝啄少朋儕朝來忽類南

中景也有黃梅水滿街

近世唐花轉懶看尋春時復已春殘年來觸撥心情惡

肯逐朱輪玩牡丹

滿目灾黎槁項形憐渠吻沫亦蒼生我曹拯濟慚無力

不及雲堂施粥僧

長椿寺設粥廠貧民就食甚多

偕同人集天甯寺

囊琴匣硯出僧寮暫息塵鞍俗慮消試馬郊原纔淺草

牧牛坡隴已新苗敢忘借箸籌邊事

座客有留上封事者終是狂

歌託

聖朝靜聽鈴聲吟替戾捷書猶盼縛天驕

悲北甯

我軍四萬在北甯驟聞征鼓紛逃生碣磴渠答棄不顧  
日暮疲馬還空營黃衫將軍空勇毅失勢回谿亦垂翅  
似聞火急軍符催轉饟方從五羊至

春日登樓雜感

一上高樓暮景收蒼茫天地此生浮徒勞上相揮神筆  
竟使中原有缺甌轉戰豈無橫草略先機原乏徙薪謀  
鄙人尙作承平看歌舞城南正未休  
先朝威力定南溟狴雉年年到



帝庭周代會盟通侮食漢家封域過句町溪蠻互市黃  
魚稅洞長登壇白馬形縱使朱厓今議棄丸泥何術固  
重局

古云衽席過王師臺閣何難正議持啟釁愼妨諸帥擅  
封章偏阻外庭知直從嶺右馳烽迫始信湘東下局遲  
多少范韓遺老在卻教邊寄任徐禧

將臺高築一軍驚纔綰銅符擁百城王簿郗參爭入幕  
蕭娘呂姥輒談兵寇來只仗遠逃避民困何堪擄掠驚  
聞道從軍多婦女燕支山上好題名

紛紛猿鶴并蟲沙蕩蕩空城寂不譁灞上棘門今日事

陳陶青坂古時嗟庫畱大食新鋼劍野棄開元舊弩牙  
或者委兵原餌敵不然一矢未曾加

窟頭酣戰數剽胡赤羽橫腰似笛粗玉帳錦纏雲鞞髻  
銀漕酒瀉月支顱共傳臥虎威同憚何事連雞計轉孤  
慎莫徘徊成怪鳥潯梧廿載壓萑苻

昆侖關外競投戈狂瀆如逢曳落河趙括談兵豪氣盡  
黃權陷敵異詞多荒城野燐飛螢似絕澗枯骸醉象過  
差幸岑公餘燼拾生釐足下早聞歌

東南開府半元功一戰甯眞作鬼雄出入旌旗明

主眷支持門戶老臣衷豈聞怯懦能籌敵深恐遷延別

伏戎我輩罪言知不稱側身長嘯激回風

沈筆香銓部同年

錫晉

招遊治園看牡丹

出郭尋芳事事幽疎狂真類薛春遊人先蜂蝶來三徑  
花共桑麻雜一邱臺閣緋衣論富貴神仙錦帳比風流  
柵頭盛事今難再合對繁枝醉便休

顧亭林先生詞

幾社浮華後談經挺此人河汾耽著述角里託沈淪夙  
負權奇計兼全困辱身里堂雖善諍終不掩瑜珉

焦里堂郡

縣議謂亭林得行其志其害甚於王安石斯誠至言然不足爲亭林痛也

書事二首

新傳

嚴詔馭娑宮玉虎晨威一震同臥護西陲  
稀健將角巾東第到羣公本來袁竇原殊氣  
卻比蕭周已盡空獨使至尊憂社稷未央前  
席策平戎

袞袞鸛鸞又一時上林阿閣最高枝朝恩別  
自求新劍世事休教覆舊棋宛馬蒲萄前代  
略河魴楊柳中興詩宣光盛烈非難嗣燮鼎  
調羹望禹夔

四月某日恭讀

上諭

宸威今赫怒早已肅遐方詛楚先聲布平淮  
偉烈彰憂

勞瞻

黼辰桓穢望戎行早晚甘泉捷懸知獲鬼章

赤嶠

赤嶠千山疊黃崎海萬重虛聞三表策竟乏一丸封鵲  
岸先焚艦駝煙疊報烽終憑天險固尙未燬崇墉

大府今廉鮑清名孰比倫但知觀趙壁終受誑秦人鎧  
仗全資敵鈴符枉召神諒同吳處默豈易制盧循

埋輪張御史臺閣夙風生甫見蔗竿落先聞芒屨行檀  
公原上計劉秩果虛聲但讀籌邊疏何慙幹濟名

僕固歸何急孫歆死或疑幸同承海遁依舊執冰嬉塢

壁誰營繕瘡痍待撫綏臨淮何日到盼望舊旌旗

聞船廠被燬感賦

蛟鱷無端忽煽波秦灰楚炬恨如何

先朝創置原籌海庸帥披猖遽棄戈巨舶竟沈吳赤馬  
荒榛時臥晉銅駝經旬縱復桓溫到換得青燐白骨多  
時某帥逃之鼓山事畢始  
回輒以力守船廠入奏

夜宿碧雲寺

出郭心已怕精藍況息偃勝懷澄沏寥夔想滅聞見飛  
禁行廣除疎鐘起遙殿何須證菩提是非已雙遣

由寺傍石徑抵洗心亭

途紆繞平臺路狹轉窄壁巖垂駢附藤洞壓側懸石陰  
寒闕金淒戍削互鐵色古泉鳴樹閒噴薄殊瀾瀾風搖  
無靜喧澗納有順逆近聞驚瀨轟遠似溼雲積惜哉亭  
榭荒遊屐久寥寂臂輒駁壞苔欄楯委藜棘尙憶

翠華臨旌竿滿雲直九夏奏韶章百神飫觴瀝玉箸餘  
御題瑤池罷

巡迹臨風憶承平浩歎此何極

祕魔厓

穹厓塞天起絳氣橫闌干攢柯若離土總葉如驚瀾微  
霜變疎翠烜電流渥丹色濃綴木末氣遠蒸雲端映巖

惑異采照澗忘荒寒得無盧師力創此瑰異觀攬物悟  
神理始華終悴殘念來若騁轡揆昨如崩湍諒無金石  
質炫采甯久完隨風委塵土薈落良足歎

龍泉菴

去山半里聞涓涓入門石扉風蕭然池深荇藻綠成地  
洞古莓苔青到天品茶擬補陸羽說踞石且就陶潛眠  
冥心習靜對朝槿門外車蓋方喧闐

坐龍泉寺池上

長途畏赫曦復此池上憩巖幕石氣濃風牽水紋細踏  
枝容鶴栖啜若愛魚戲佳玩良自欣勿輕語朝貴



靈光寺

秋山誠多姿佳處樸而媚澄潭悽警神繡壁遠標緻苔  
滋逕沮洳樹缺山破碎藉草偶清談對鷗多冥會美此  
池一泓聯娟富荷芰惜無竹林賓共作習池醉觸賞增  
邇迴宅區羨幽邃謝公邱壑想子牟江海志解弢詎忘  
懷繕性遂櫻累歲晏孰華予相期侶松桂

從香界寺上寶珠洞

茲洞夙有名勝在洞門外山行不覺山出入踐青靄欹  
岑送崩奔嘉樹愛縈帶果熟微歎香條喧易成顚頗聞  
魑魅藏結茅在蔚蒼名山染羶腥去矣世途隘卻曲誰

續吟伊川足深慨何當遨太清一舉謝埃壒

登翠微山絕頂望海淀三山諸園

適野足散意登高恆動憂攀崖極劣窮倚磴紆夷猶天  
寒大澤動川谷張高秋遙瞻九衢闊遠睇雙闕浮

先朝昔臨幸清道鳴羣騶宮槐夾玉陛垂楊映金溝  
水駐鳳輶拂雲捎翠旂是時海內實粟帛輸漕艘玉孟  
進邊吏金葉齋蠻酋每逢

六飛幸夾道勸童叟拜瞻仰

龍顏謂是軒佶儔

聖神況天縱文雅嬋詞流穹碑灑翠墨鉅榜懸銀鈎巡

非瑤水遠迹與靈囿侔嗚呼廿年內聚散如浮漚鳳去  
社首遠龍辭興慶悠劫火燬昆明馳烽照薊邱駟廢香  
翠駁吟風悲黃虬憑闌一迴眺偃蹇寒雲愁零雨被香  
蕙嚴霜凋長秋舊物有銅狄故釘無玉樓往時

駐蹕地壤道欹未修虛無梁鼉杳想像綵鶴畱何時靖  
島虜戮力恢神州盡除獫狁暴再覩驊騮遊憂來藉草  
坐肉食慙國謀冀聞復古詠詎僅雍門謳

過淀園遇張太監年一百有六矣自言九歲入宮  
語川楚教匪林清內變事甚悉咸豐中亦嘗扈  
從至熱河也詩以紀之

曾侍

先皇玉案前方瞳紺髮尙蹢躅直從教匪初平後話到  
灤陽扈從年老輩諒難逢沈令煉真應合比毛仙卽今  
柏寢無遺器時望觚棱定泣然

遙望淀園文侍郎

豐

殉難處

一死魂歸七尺塘更無高冢築龍驤彥回老壽今猶在  
久坐中書食萬羊

時同守淀園  
者爲某相國